

Kono ko furi heewde, jalawma Sabbat o yejjitte tan. Nulaabe bee ndeentiniino Yahuuda'en be wonde Geno maa addu boomaare e dow maŋbe so be njejjitii Sabbat o. Be mbattaani hakkille e ko be ndeentinano ko, ndeen noon Yerusalem yanaa, boomaa haa boni, besnguujii maŋbe ndahaa. Masiyaŋkoobe ne njejjitii Sabbat o, lomtini dum jalawma Alet mo nganndudaa ina luunndii jamirooje Joomiraado. Lislaamuyaŋkoobe ndentat njuula e jalawma Aljumaa kono njejjitii hedfen poti fooftaade e jalawma jeedaŋbiijo he, nguuren e dooftaare Tagdo haa timmi o.

E ko taki ina way no aduna oo fof ina yejjita oo jalawma paayodindo? Mbela ina woodi sabaabu bondo caabiido ngol jejjitgol mooltanaangol?

Yeesu Almasiihu o reentinii en e semmbe adunayaŋkeejo mo Ibiliisa huutortoo ngam ruŋkitinde hakkillaaji men Tagdo en o. Miliyoŋaaji maa puunte haa teddina jalawma Sabbat fenaande o. So Ibiliisa waawii wafde haa njejjiten jalawma Tagdo o, o yaakorat maa en njejjit Tagdo o e hoore mum. Kono noon, so en teddinii Sabbat goonga e goonga o, en kollirat dooftogol men Tagdo men o, cummben e dokkal fooftere, deeyre, e jam.

Naatande fooftere Geno



Annabi Muusaa winndiino wi'i "Joomiraado o barkini jalawma jeedaŋbiijo o" (Lasli 2:3). Mbela hada hortii, tampudaa? Barke ina woodi e fooftere jalawma Sabbat!

Mita Duran, winndiyaŋke jeyaado leydi Indonesi, maayiino sabaabu nde tampere golle—kono aan a fotaani. Geno ina noddu ma yo a ar ndartinaa golle ma yontere fof, meedaa barke Sabbat.

So on njidii beydude ganndal e ko fayti e hono Joomiraado okkirta en fooftere, deeyre, e cellal, hoŋon mbaawi jokkondirde e amen e toŋngoode wonnde nde e caggal oodoo kaayit.

Copyright © 2023 by Sharing Hope Publications. Dee golle ina mbaawi fecceede e wobbé tawa wonaa e coggu hay so alaa yamiroore.
Binndi di ittaa ko e deffere Pulaar wiyeteende AADI KESO, nde Alliance Biblique au Senegal jaayni, te rokkiri yamiroore yo nde huutore.

Janje Wonnde



Yettu natal jelde QR ngal ngam beydude ganndal.



Fooftere e nder Aduna keewdo dille



Mita Duran sanjinooma. Oo suka debbo winndiyanke jaarateedo e duubi 24 jeyaado leydi Endonesi tebbiti tan yani e taabal makko. E ko addi bone?

Mita liggotonoo ko e fedde saroore bataakeeji do golle keewde ngon, do joomum daminaa yoo wad ko heewi. Hade sanjkaare makko, o haaliino ko fayti e tampere makko to gollorgal makko to: “Oo jamma wadata laawol jeetabol e balde jeetati deggondirde mbeda nawa cektirde gollorgal de to gollorgal to.... Mi wuuraani.”

O tuugnino ko e njaram kaaddam hono kafe Asinaabe biyeteede Krating Daeng, ko tuubakoobe mbiyata ko Red Bull. Winndannde makko wattandiinde ko hono nih, “waktuuji 30 e nder golle tee haa jooni mbeda tiidi.” Caggal duum, o bobbi e taabal makko, o hawri e lajal.

E ko addi bone? Mita sanjkii sabaabu nde liggeewi burtudo.

Hannde doo, heewbe e meeden ina keewi golle. Jamaanu o ina duna men e liggaade no feewi, dapa na feewi, sooda haa heewa. Gede keewde ina leepate, hono jiibru, waasde doyingol, e hakkille dillude.

Heden mbaawi waasde warde koye men hono no Mita Duran nih, kono nguurndam

ina waawi sattirde en no feewi. Mbela ko dum doo Geno fodani en? Kanjo woni Dokkoowo Deeyre o. So en liggiima haa en burтинii, mbela heden ndana deeyre? Muk!

So tawii en liggiima haa en tayii, tawata ko en njejjitii ko Geno o yidi yoo en ciftor. Yeewen ko o haali ko fayti e fooftere.

Noyyude e helmere «Fooftere»

Geno ko jom Moyyere e jom Yurmeende. Homo annunoo innam aadee en ina cokli waktu ngam beydude semmbe e balli mabbe, e haqqillaaji mabbe, kay e ruuhuui mabbe, hono no noddirgel walla ordinateer nih. Ko duum wadi, nelaado Muusaa winndi yamiroore Geno:

Siftor jalawma sabbat o, ngam sennude mo. A golloto balde jeegom, mbadaa golle maa fof. Kono jalawma jeedabiijo o, ko sabbat Joomiraado Geno maa. Hay gollal gootal a wadataa e oon jalawma (dum ittaa ko e tayre aranere e deftere seniinde he, wiyeteende Tawraat: Fergo 20: 8—10).

Ndee yamiroore Geno nde waklotaako muk nde ina wiya en yoo en ciftor jalawma jeedabiijo o. E demde keewde e aduna he, oo

Nalawma jeedabiijo e yontere kala ko jalawma keeriido ngam “dartingol” golle.

jalawma jeedabiijo badiraado ngam fooftere wiyetee ko “Sabbat.” E ko taki Geno yamirde en yoo en ciftor mo? Sabu homo anndi yejjitde ko cadeele mooltanaade e innam aadee en, fuddoraade e Aadama. En potaani yejjitde jamirooje Geno, sabu ko so en ciftorii mo kanjo e jamirooje makko tan mbaawaten reeneede e yahdu men e laawol portingol ngol.

Kono ko taki jalawma Sabbath o wonde jalawma keeriido? Geno wi'i en,

Ngati ko e balde jeegom Joomiraado wadi leydi e asamaan e geej, e kala ko woni e mum'en; kono o footi jalawma jeedabiijo o. Ko duum wadi, Joomiraado barkini jalawma Sabbath, senni dum (Fergo 20: 11).

Nalawma Sabbath siftoranat en wonde ko Joomiraado woni Tagdo o. Won yimbe mbi'i tawde Joomiraado hortotaako, o soklaani footaade e jalawma jeedabiijo o. Kono

Joomiraado footoraaki sabu hortaade; o dartin golle makko ngam wadde banje tuma keeriido haa mbaawen footaade heen.

Joomiraado yi'i wonde jalawma fooftere ko huunde moyyere e innam aadee en. O wadi jalawma jeedabiijo o Sabbath, woni fooftere walla dartingol golle. Hono noon, jalawma jeedabiijo e yontere kala ko jalawma keeriido ngam «dartingol» golle. Heden poti footaade e golle, e kala ko haanaani wadeede e nder jalawma kuurdo haa mbaawen siftorde Joomiraado o, njaaren mo.

Mbela wonaa huunde welnde so tawii mawdo golle maa walla janjnginoowo maa wi'i ma yo a footo? Eey, ko duum tigi Geno yamiri! Jettoode ngoodanii Geno! E goonga, ko o jom yurmeende!

Sennude jalawma Geno

Sabbat ko jalawma ceniido mo yimbe aduna bee fof. Goondinbe Geno tagdo gooto o teddiniino mo ko juuti gila hade Yahuuda'en, Masiyanakoobe, Lislamuyanakoobe, Budist'en, walla Endo'en woodde. E goonga, o rokkanooma innam aadee'en fof nde aduna tagaa nde. Aadama e Hawwaa teddiniino Sabbath o, te Geno meedaa rokkude en yamiroore yejjitde ko o wi'i yo en ciftor ko.